

առիթ գժտութեան և խռովութեան ազգին և միարանացի հասանիլ այսր դրոյ 'ի թագաւորեալ քաղաքն, Յակոբ Պատրիարք Նալեան, գլխաւորք ազգին եւ քահանայք վեց եկեղեցեաց սիրով ընկալան զխնդիր նորին. և դրեցին ինքեանք եւս գիր անդորրութեան, յորում տեսանի և սլատճէն կտակի նորին բառ առ բառ օրինակեալ, յոր ձեռնարկեալ կնքեցին ամենեքեան. զի համաձայն խորհրդոյ նորին զկնի մահուան իւրոյ դիցեն յԱթոռն ըզթէոդորոս, զի 'ի կենդանութեան իւրոյ չկամէր ազգն տեսանել զայլ ոք յԱթոռ նորին: Եւ առանձին գրով եւս ազգ արարին նմա, յԱտուած առնել ապաստան զտնօրէնութիւն այնր մեծի խնդրոյ՝ զի ինքն ամենաբարի կամօք իւրովք ընտրեսցէ և տնօրինեսցէ զարժանաւորն յօգուտ Ս. Աթոռոյն և 'ի միթարութիւն համօրէն ազգին, միայն առ այժմ յանձնել թէոդորոսի զկարեւոր գործս Աթոռոյն, զի առաւել հմտութեամբ վարժեսցի յայնս, (1743. Օգոստոս 30): Զայս գիր ընկալեալ թէոդորոսի Եպիսկոպոսի՝ գարձ արար յերուսաղէմ:

Նախ քան զմեկնիլ Գրիգորի Պատրիարքի 'ի Կոստանդինուպօլսոյ (1740), հաճութեամբ Յովհաննու Պատրիարքի կարգեալ էր զՅակոբ վարդապետ Նալեան մոխանորդ իւր անդ, արթնութեամբ լինել վերահասու բովանդակ գործոց Աթոռոյն երուսաղէմի, եւ 'ի սմին ամի (1746. Փետրվար 14) առաքեաց առ Գրիգոր զտումար հաչւոյ Աթոռոյն, և վերստին հաստատեցաւ 'ի նոյն պաշտօն: Եւ 'ի սորա ժամանակս նորոգեցաւ վանքն իւսկիւտարու արդեամբ Ս. Աթոռոյն, որպէս յայտ առնէ արձանագրութիւնն եղեալ 'ի վերայ դրան, օրինակ զայս:

Ի հիմանէ նոր շինեցաւ յարկս վերնատնօք, և միջնատնօք, և ներքնատնօք արդեամբք Տ. Գրիգորի եւ Տ. Յակոբայ Պատրիարքաց Ս. երուսաղէմի և Կոստանդինուպօլսոյ, 'ի վայելումն նոցա, և համայն բարեկամաց նոցա, և Ս. Աթոռոյն Զատագովչաց, անծախս և անքակ, յիշատակ Ս. Յակոբայ որ յերուսաղէմ որք քակեն կամ ծախսեն՝ զմասն Յուդայի առցեն:

Ի սմին ժամանակի գարձեալ տաղտկացեալ էին վանականք երկց ազգաց 'ի Բեթղէհէմ յերեսաց Արաբացի Փէլլահաց. զի սոքա մշտնջենաւոր սովորութիւն արարեալ